

একটি কূপের কাছে এক মহিলা যীশুর সঙ্গে সাক্ষাৎ করেন

শিশুদের সর্বদা সাক্ষাদানের জন্য প্রস্তুত থাকতে শিক্ষা দিন

শিশুদের প্রয়োজনের সঙ্গে এবং স্থানীয় রীতির সঙ্গে মানানসই কার্যকলাপ পছন্দ করুন।

শমরীয় মহিলা

বড় শিশুদের অথবা শিক্ষককে যোহন ৪:৪-৪২ পদে উল্লেখিত শমরীয় মহিলার গল্পটি পাঠ করতে অথবা বলতে বলুন। এই গল্পটি ব্যাখ্যা করে যীশু যাদের সঙ্গে সাক্ষাৎ করতেন তাদের প্রত্যেককে ঈশ্বরের প্রেম, ক্ষমা এবং অনন্ত জীবনের বিষয় সুসমাচার বলার জন্য কিভাবে প্রস্তুত থাকতেন।



সম্ভব হলে শিশুদের ছবিটা নকল করতে অথবা রঙ করতে দিন।

প্রশ্নাবলী : গল্পটি বলার পর, প্রশ্নগুলো জিজ্ঞাসা করুন। প্রতিটি প্রশ্নের পরে উত্তর দেওয়া হয়েছে।

- যীশু কূপের কাছে কি করছিলেন? (৬ পদ দেখুন)
- যীশু যখন জল পান করতে চেয়েছিলেন, তখন সেই মহিলা আশ্চর্য হয়েছিলেন কেন? (৯ পদ দেখুন)
- যীশু সেই মহিলাকে কি ধরনের জল দান করার কথা বলেছিলেন? (১৪ পদ দেখুন)
- ঈশ্বরের আরাধনা করার জন্য কোন বিশেষ স্থান আছে কি? (২১ এবং ২৪ পদ)
- যীশু নিজের কি পরিচয় দিয়েছিলেন? (২৬ পদ দেখুন)
- শস্য সংগ্রহের জন্য প্রস্তুত কথাটি বলার মাধ্যমে যীশু কি বোঝাতে চেয়েছিলেন?

উত্তর : অসংখ্য লোক যীশুর সুসমাচারের প্রতি সাড়া দান করতে প্রস্তুত, কিন্তু আমাদেরকে অবশ্যই প্রথমে ইহা বলতে হবে।

গল্পটির কিছু অংশ নাটকে পরিণত করুন। উপাসক মণ্ডলীর নেতার সঙ্গে এই সংক্ষিপ্ত নাটিকাটি উপস্থাপনের ব্যবস্থা করুন। নাটকটি প্রস্তুত করার জন্য শিশুদের সময় দিন। সব অংশগুলো করার প্রয়োজন নেই।

- বড় শিশুরা অথবা প্রাপ্তবয়স্কগণ নিম্নলিখিত চরিত্রগুলো অভিনয় করবেন :
বর্ণনাকারী : গল্পটি সংক্ষিপ্ত করবেন এবং শিশুদের পাঠ মুখস্থ করতে সাহায্য করবেন।
যীশু : কূপের প্রতিনিধিত্বকারী কোন কিছুর সামনে বসে থাকবেন।
শমরীয় মহিলা : মাথায় জলের কলসী নিয়ে আসবে।

ছোট শিশুরা নিম্নলিখিত চরিত্রে অভিনয় করবে :

খাদ্য সহ শিষ্যগণ

শমরীয়গণ

যীশু : 'কূপের' কাছে যীশু বসে থাকবেন।

বর্ণনাকারী : যোহন ৪:১-২৬ পদ থেকে গল্পটির প্রথম অংশটি বলবেন। তারপর বলবেন, “শুনুন শিষ্যগণ কি বলছেন।”

- শিষ্যগণ : “যীশু, আপনি ক্লান্ত। যাত্রাটা দীর্ঘ ছিল। এই কূপের কাছে থাকুন এবং বিশ্রাম গ্রহণ করুন। আমরা শমরীয়দের গ্রামে কিছু খাদ্য নিয়ে আসছি।”
- শমরীয় মহিলা : “কলসী নিয়ে যীশুর দিকে এগিয়ে যাবেন।”
- যীশু : “অনুগ্রহ করে, আমাকে কিছু জল দাও।”
- শমরীয় মহিলা : আশ্চর্য হয়ে বলবেন, “আপনি একজন যিহুদী। আপনি কিভাবে একজন শমরীয় মহিলার কাছ থেকে পান করার জল চাইছেন?”
- যীশু : “আমি তোমাকে এমন জীবন জল দিতে পারি, তুমি যা পান করলে আর কখনও তৃষ্ণার্ত হবে না।”
- শমরীয় মহিলা : আশ্চর্য হয়ে বলবেন, “কিভাবে আপনি ইহা দিতে পারেন?”
- যীশু : “আমি মশীহ, ঈশ্বর কর্তৃক মনোনীত ব্যক্তি।”
- বর্ণনাকারী : যোহন ৪:২৭-৩৮ পদ থেকে গল্পটির দ্বিতীয় অংশটি বলুন। তারপর বলবেন, “শুনুন, শিষ্যরা কি বলছেন।”
- শিষ্যগণ : দেখ, যীশুর সঙ্গে ঐ মহিলাটি কে? সে তার কলসীটা রেখে গ্রামে ফিরে যাচ্ছে! তাকে দেখে উত্তেজিত বলে মনে হচ্ছে! যীশু এখানে কিছু খাবার এনেছি।”
- যীশু : “আমার কাছে অন্যরকম খাবার আছে। আমার খাদ্য লোকদের ঈশ্বরকে জানতে সাহায্য করবে। সর্বদা লোকদের সুসমাচার বলতে প্রস্তুত হও।”
- বর্ণনাকারী : যোহন ৪:৩৯-৪২ পদ থেকে গল্পের তৃতীয় অংশটি বলুন। তারপর বলবেন, “শুনুন, শমরীয় মহিলাটি কি বলছেন।”
- শমরীয় মহিলা : একদিকে দাঁড়িয়ে থাকা শমরীয়দের কাছে বলবেন, “ঐ লোকটিকে দেখতে আসুন। আমি যা কিছু করেছিলাম তিনি সব কিছু আমাকে বলে দিয়েছেন। তিনি কি সেই ঈশ্বর কর্তৃক মনোনীত ব্যক্তি হতে পারেন?”
- শমরীয়গণ : “চল, আমরা এই ব্যক্তিটিকে দেখে আসি।” “আমরাও তাঁকে বিশ্বাস করবো।”
- বর্ণনাকারী : যারা এই নাটকটি করতে সাহায্য করেছেন তাদের সবাইকে ধন্যবাদ জানাই।

শিশুরা যদি বড়দের জন্য নাটকটি উপস্থাপন করে থাকে, তবে তাদের ওপরের তালিকায় একই প্রশ্নগুলো জিজ্ঞাসা করতে দিন। বর্ণনাকারীও জিজ্ঞাসা করতে পারেন, যীশুর প্রতি সাড়া দানকারী অন্যান্য লোকদের আর কি কি উদাহরণ আছে, যাদের কাছে আমরা ইহা প্রত্যাশা করি না?” (লোকদের উদাহরণ দিতে দিন।)

একটি কূপের ছবি আঁকুন। শিশুদের ছবিটি নকল করতে দিন। তারা পরবর্তী আরাধনার সময় এই ছবিগুলো বড়দের কাছে দেখাতে পারে এবং ব্যাখ্যা করতে পারে। ইহা ব্যাখ্যা করে যে ঈশ্বর চান আমরা যেন সর্বদা এই জীবন জল দিতে প্রস্তুত থাকি যতজন ইহা গ্রহণ করতে আগ্রহী হন।

মুখস্থ পদঃ কলসীয় ৪:৩

আবৃত্তিঃ গীত সংহিতা ১৯:১-৪ পদ গুলো চারজন শিশুদের আবৃত্তি করতে দিন। তারা বড়দের কাছেও ইহা আবৃত্তি করতে পারে।

প্রার্থনাঃ প্রভু, আমরা আনন্দিত যে আমরা যেখানেই থাকি না কেন, আমরা তোমার আরাধনা করতে পারি। তোমাকে ধন্যবাদ দিই, কারণ তুমি আমাদের সমস্ত জগতের লোকদের কাছে সুসমাচার নিয়ে যাবার জন্য প্রেরণ করেছ। আমাদের মনে রাখতে সাহায্য কর যে আমাদের চারদিকের লোকেরা সুসমাচারের প্রতি সাড়া দিতে প্রস্তুত আছেন। তাদের কাছে বলার জন্য আমাদের বিশ্বস্ত হতে সাহায্য কর।

